

興義府志卷六目錄

地理志 城郭

興義府城

興義縣巡檢城

普安縣縣丞城

貞豐州城

全境廢城

連雲城
奏膚城

武侯城
石碁城

興義縣城

普安縣城

安南縣城

貞豐州同城

中左所城

有嘉城

維藩城

定邊城

興義府志

卷六

目錄

興義府志卷六

興義府知府張鏌纂修

地理志

城郭

興義府屬一州三縣。府州縣皆有城。凡城五。而興義縣之捧鮓巡檢。普安縣之新城縣丞。貞豐州之册亨州同。亦皆有城。都計凡城八。其他廢城八。亦附志焉。志城郭。

興義府城

興義府城。周七里三分。高一丈五尺。門五。東曰聚奎。南曰從風。西曰懷遠。北曰拱辰。其一為西便門。曰凌雲。又郭門一。曰柔遠。

方輿紀要云。安籠所。普安州東南三百里。安籠箐口。洪武二十二

興義府志

卷六

城郭

貴陽文通書局代印

年建城。周一里。

按所城。洪武二十三年建。通志云。永樂二年建。非是。

通志云。南籠府城。原為安籠所城。

按明時名安籠。所當作安隆。

明永樂二年建。

周圍二百八十七丈。高一丈八尺。

舊志云。一丈四尺。

門四。東曰朝陽。西曰

柔遠。南曰雍熙。北曰順天。久圯。康熙二年修復。圯三十四年。

舊志云。二

十五年。裁所。移安順通判分駐。總兵蔡成貴。捐金重修。五年設府。遂

為府城。

舊志云。府城。其基即古陵元堡也。舊制規模狹隘。府署倉獄。俱隸城外北隅。乾隆七年。題建石城。包舊城於內。周圍一千二百三丈。計七里三分。高一丈五尺。下寬一丈。上寬七尺。女牆長八尺。共雉堞一千二百有三。門五。東曰聚奎。西曰懷遠。南曰從風。北曰拱辰。其一為西便門。城樓五。甚宏壯。城之形勢。西北踞於平陸。可借綠

海以爲池。東南漸高。盤於龍井桅杆二山之腰。雉堞飛駐。峯巒突出。可畫疆而守。其據勝然也。然設險所以守國。而體險之義。有在於扼塞要害之外者。語曰衆志成城。又不可不綢繆於未雨矣。按道光二十一年。鎮修西南二門城樓。及拱極亭。二十八年。拓修西便門。額曰凌雲。咸豐四年。又修城。

興義縣城

興義縣城。周三里一分。高一丈一尺。門五。東曰金篋。南曰玉露。西曰含英。小西曰挹華。北曰寶符。

識略云。城周三里。計五百六十丈。甃以石。門五。乾隆十一年建。

按興義縣城。卽唐附唐縣城。後廢。明時。爲黃坪營。土目所居。雍正六年。設普安州判。又移安籠左營遊擊。駐防其地。乾隆十三年。

興義府志

卷六

城郭

建石城。周圍五百六十丈。計三里一分。高一丈五尺。寬一丈一尺。城門五。城樓五。礮臺四。

興義縣巡檢城

興義縣巡檢。治捧鮓。城周三里三分。高一丈。門四。東曰陽谷。南曰阜城。西曰平秩。北曰迎恩。

識略云。普安廳。舊於境內設六城。今惟亦資孔。基趾尙存。黃草壩。捧鮓二城。歸興義縣。餘亦坍塌。

按捧鮓城。乾隆八年建。石城。周六百丈。計三里三分。高一丈。門四。礮臺六。無城樓。

普安縣城

普安縣城。卽明新興所城。周一里三分。高一丈。門四。

通志云。普安縣城。原爲新興所城。康熙二十六年。裁所。移縣治於此。知縣羅在廷改築。周一里三分。高一丈。門四。

識略云。城周二百五十二丈有奇。門四。今存東南北三門。

按順治十八年。初置普安縣。縣城在新城所。卽今普安縣丞所駐之新城。是也。康熙十年。裁新城所。以其地併入普安縣。二十二年。

通志云。二十六年。又裁新興所。乃徙縣治於新興所城。卽今之縣城是也。

今縣城高一丈。下寬八尺。雉堞凡二百五十有五。東西南北四門。乾隆二十九年。知縣戴名率民修。

普安縣丞城

普安縣丞。治新城。城卽明新城所城也。

紀要云。新城所。今普安縣丞所駐之新城。卽其城。忠順里。卽其地

興義府志

卷六

城郭

三

貴陽文通書局代印

也。

按新城所城。明洪武中。吳復築。

國朝康熙十年。裁新城所。嘉慶二年。設縣丞。駐此。

安南縣城

安南縣城。卽明安南衛城。周九里三分。高一丈七尺。門四。東曰承恩。南曰振遠。西曰永通。北曰長甯。

方輿紀要云。安南城。衛治。志云。洪武十七年。置尾灑驛。二十年。置

尾灑遞運所。二十一年。置尾灑站。及尾灑堡。二十三年。置安南衛。

治江西坡。二十五年。遷安南衛。治尾灑堡。因築衛城。甃以石。有門

四。城周四里有奇。

通志云。安南縣城。原爲安南衛城。明洪武二十五年。指揮梁海建。

周圍七百九十三丈。高一丈七尺。寬七尺。門四。城樓四。康熙二十六年。裁衛改縣。遂爲縣城。

識略云。城甃以石。隨九山之高下。狀如蓮瓣。故名曰蓮城。按安南縣城。周圍七百四十三丈。高一丈七尺。寬七尺。計九里三分。門四。城樓今圯。東南二門。通滇黔大道。城東門外。有獨秀山。木形。城南門外。有玉枕山。火形。西門外。山多金形。北門外。山多水形。城中玉屏山。土形。形家稱爲五星得位。咸豐三年。知縣陳鏊修。

貞豐州城

貞豐州城。周三里三分。門三。東曰長春。南曰宣化。西曰金華。

通志云。雍正五年。題建土城。周二百五十丈。高七尺。厚四尺。城門四。按今城門三。

興義府志

卷六

城郭

四

貴陽文通書局代印

識略云。州初無城池。惟東北珉球地方。山勢就坦。烟瘴稍輕。以爲治所。乾隆七年。始建石城。周三里三分。門四。州署後枕峻山。前俯平原。羣峯拱立。屹爲形勢。

按州地。在萬山中。烟瘴苗疆。珉球。勢坦瘴輕。爲治所。初無城。名爲新州。乾隆七年。始建石城。周圍六百三十八丈六尺。計三里三分有奇。雉堞凡一千二百六十有五。東南西。皆有城門。無北門。州署居山之半。倚嶺面原。高踞形勝。

貞豐州同城

貞豐州同。治册亨。城周二里九分。門三。舊土城。近改建石城。未成。識略云。册亨城。周二里九分。計四百八十五丈有奇。築土爲墉。下甃以石。設門三。乾隆十一年建。

按册亨。乾隆十年建土城。嘉慶二年。苗變。城陷後。奉准改建石城。旋以民力未勝。議緩修。道光二十八年。署州同陳浩。勸諭紳民捐修。是年十一月興工。浩去。署州同張元泰。主用儀等繼之。今城尙未成。

全境廢城附

孔明城。在貞豐州北三十里者相。

通志云。在永豐州北三十里。地名者相。有土埂高數尺。周二百餘丈。相傳爲孔明創營處。

中左所城。在興義之中左里。

按中左所城。明洪武中建。今在興義縣之中左里。石碁城。在普安縣之阿機里。

興義府志

卷六

城郭

五

貴陽文通書局代印

按石碁城。一名阿機城。在阿機里。明叅政朱家民建。家民共建十一城。在今郡者凡六城。石碁城。在普安縣境。連雲城。維藩城。奏膚城。在安南縣境。定邊城。在貞豐州境。

有嘉城。在普安縣之江西坡。

連雲城。在安南縣之盤江。

維藩城。在安南縣之尾灑。

奏膚城。在安南縣之馬場。

按安南志。明崇禎十二年。安南奏膚城鎮撫余維敬。征毛口苗。戰死于此城。

定邊城。在貞豐州之定頭汛。

附文

創建十一城碑記。

明閃繼迪

漢法之不行於黔也。非治黔而廢法不用。黔固未可以漢法治也。萬山林立。銳首異軀。怪石猙獰。狼奔虎視。箭簇鎗攢。散無統紀。又山肥水瘠。剛柔數騎。逐隊東馳。環繞不定。生理窘蹙。而衣食以禦人。倘亦其形局使然。故初未嘗不銳意殲洗。後迺不勝犯。不勝誅。何也。聚則捭弓露刃。怒爪磨牙。散則牧犢飲羊。鋤犁胼胝。皆吾人也。又或郊關之外。毒箐巉崖。我不得而至焉。囊篋腰纏。委之而去。倖以身免。歷險衝危。踉蹌呼籲。官兵疾馳。踪影滅沒。甚者緊關扼要。伏莽鳴張。往往失利而返。是故始於剝商。近則日無官長。始於攫貨。近則人茹慘辱。何忍言也。蓋寨苗以水西爲頭額。水西以寨苗爲爪牙。反賊熾則截路之寇滋。孔道迷。則中國之援絕。威清以

南。蹙然聲斷。滇之官於四方。與四方之官滇者。率北道建昌。南假交趾。冒瘴癘。經歲年而後達。文軌之世。頓若異域者。六七年矣。朱同人大參。奉命監安普軍。蒙茸荆棘。重開一線。厥功綦偉。於是相地勢。酌遠近。創議建城者十有一。則盤江。西坡。板橋。海子。馬場。諸要害。地皆蠻苗所據盤。而受指顧於水西者。諸城建則宿兵其中。出可攻。入可守。行李往來。收保足恃。且於地之中界。壘石爲樓。名曰望高。急則樹幟鳴金。連珠營。可合併邀擊。賊乃不能施其飄風疾雨之故智。而我無深入覆敗之虞。聲應脉合。勢如臂指。蓋不血刃而盜賊止息。威清鴨池間。水西賊無復有獷而飲馬者。閱二年。而安邦彥授首。餘孽惴惴請降矣。是故彼一時也。生理窮於山川。往來窮於盜賊。黔幾不可爲矣。公講求長策。嘔心竭智。用能使山

澤崇消。光耀闇。寬然戴履。無致遺造物之憾。然則黔又何不可爲之與有。甚矣。公之治黔而長於任事也。藉使蚤得任事如公者。何至百餘年。羣盜狎處。又何至燧煽水西。禍中全黔。而滇受其敝。加楚餉。請內帑。捐朝廷金錢千百萬者。且十餘禩於此也。公爲政。好從塞處求通。糾結處作解。是役也。與盤江鐵橋。並出人意表。肇工在天啓六年丙寅六月。迨崇禎四年辛未五月而城成。成樓官廨。廟貌市廛。井井具備。費取諸節餉捐廩。役取諸營兵。董役取諸將領。無躊躇搜括之苦。無誅求侵尅之弊。崇墉相望。所在金湯。疏聞。天子嘉其勞績。更下大司馬覆議。錫之令名。盤江曰連雲。西坡曰有嘉。板橋曰靖氛。海子曰恬波。馬場曰奏膚。以上蒙賜名城者。又於歸集小黃河。建龍新城。亦資孔。建資孔城。頂站。建鼎新城。定頭。建定邊城。尾灑。建維藩城。阿機。建石碁城。次第告成。共城十一。蛇噴豕突之區。霾霧昏慘。嚮所聚族不敢前。恟疑賊卻者。一旦雉堞言言。旌旗金鼓。遠邇相屬。負販絡繹。烟火湊集。又重以欽名。規制赫然重已。不佞維君子之仕也。旣已圭組。專制一方。庶幾利害便宜。是故裴行儉之碎葉。張仁愿之受降。遂使西域漠南。邊患頓絕。作法自我。安得謂古今之不相及也。

按郡城。鏌今修繕。幸已竣功。城固險扼。而民勇知方。庶郡磐安。此鏌所深望也。

